

GALATIANSO

Baaru nna pānde kunlo

1-2 Makū Pɔlu Luda z̄iri kū ma Yesude dake kū ó lɛɛlɛnɔ pínki, ókɔnɔ mé o takada dí kè sɔsi gbē kū ò kú Galatia b̀usu gūnnɔnɛ.*fZ̄ir 16:6* Ma kunna z̄iri ũ dí bo gbēnɔ kīnaa ke bisāsiri gāiro, Yesu Kirisi kū De Luda kū à a fùte bona ganwo mé à ma z̄i.

3 Ó De Luda kū Dikiri Yesu Kirisio gbēke kèáre, à á gba aafia.

4 Kirisi g̀i a wèndiii ó De Luda pɔyenyĩnaaa, à ó durunna kèwá de à ó bo andunia tera vāni dín.

5 Luda mé à gakuri v̄i gɔrɔ s̄inda pínki! Aami.

6 Kū átɛn kpe li Luda kū à á sísi a gbēke gūnnɛ likalika lán dí bà, à are d̀ò zé pāndea, yā pii b̀ò ma sare manamana.

7 Baaru nna pānde ke kunlo. Gbē kū ò ye ò Kirisi baaru p̀i litɛnɔ tɛni á likaramɛ.

8 Bee tó ókɔnɔ ke malaika kū à b̀ò ludambɛ baaru nna kū adi k̄ó sé kū a kū o óáreoro waazi kèáre, Luda láari boa.

9 O óáre yā akūs̄ matɛn óáre d̀ò, tó gbēke baaru nna kū adi k̄ó sé kū a kū a m̀aoro waazi kèáre, Luda láari boa.

10 Matɛn sáabu wete bisāsirian yá, ke Luda? Matɛn wete ma yā ká bisāsirigun yá? Tó bisāsirin má ye à kángu ari tera, de Kirisi z̀òbleriin ma ũro.

Yesu Pɔlu sena a z̄iri ũ

11 Ma gbēnɔ, má ye à d̄s̄ kū baaru nna kū madi kpááre dí bo bisāsiri kīnaaro.

¹² Mádi ma bisāsiri kīnaaro, gbēke mé à dàmenero, Yesu Kirisi mé à bò à sùomenε.

¹³ A mà lákū má kun nà yā Yudanɔ donyīzen. Ma Luda sɔsi gbēnɔ wé tã pāsīpāsī, ma wète mà n̄ kakate. *fZīr 8:3*

¹⁴ Ma Yudanɔ donyīze pì yā kù ɔplapla de ma sáranɔla dasi, ma kokari deńla ó dizinɔ futeokarayā pìi gūn.

¹⁵ Ama Luda ma dite a pó ũ zaa ma da gberen. Kū ma sísina a gbēke gūn gɔrɔ kàmε,

¹⁶ akū à a Né gbàrema, *fZīr 9:3-6* de mà a baaru nna kpá buri pāndenɔne. Mádi gé dada gbēke kiaro,

¹⁷ mádi gé Yurusalemu gbē kū ò kun zիրinɔ ũ ma ānɔ kīnaaro, ma ge Larubunɔ bùsun gònɔme, akū ma era ma su Damasuku.

¹⁸ Wè aakɔ gberan ma ge Yurusalemu, de ò kɔ dɔ kū Pitao, akū ma ke káo gɔrɔ gēro. *fZīr 9:26-30*

¹⁹ Mádi zիրi pānde ero, séde Dikiri dakūna Yamisi.

²⁰ Yā kū ma kèáre pìi, ma sì kū Ludao kū adi ke éken ma tòro.

²¹ Abire gbera ma ge Siria bùsun kū Silisia bùsuuo.

²² Gɔrɔ birea Kirisi sɔsi gbē kū ò kú Yudeanɔ dí wé simalero,

²³ ama ò mà ò pì, gbē kū àteni n̄ wé tã yā mé àten donyīze kū à wète à kakate pì waazi ke tera sà,

²⁴ akū ò Luda tó bò ma yā musu.

2

Pɔlu kɔyāmana kū zիրi kparanɔ

1 Wè kuri awεεsiikõ gbera ma era ma γε Yurusalemu kũ Baanabao.*fZĩr 15:2-4* Ma Titu sè, à gèε kũoo se.

2 Ma γε gwe, kũ Luda mé à bò à sùma à pì mà gé yáimε. Akũ ma baaru nna kũ madì kpá buri pāndenõne bõkõte gbẽ kũ ò de gbẽ zõkõ ùnõne ñtēne, de zĩ kũ ma kè kũ a kũ maten keo sún ke pāro.

3 Titu kũ óleeε, bee kũ a Girikikenāao, odi gā naa à t̃ z̃ro.

4 Yā pì fùte Yesude éke kũ ò gèwái kpānino musumε. Ò gèwái de ò ó zĩdadekena Kirisi Yesu gūn asiri gwa ò ó da z̃blemme,

5 akũ odì we ò m̀i nàteñnero bee fítì, de à le àgõ baaru nna pì yāpura kũna yāi.

6 Gbẽ kũ òteni ñ gwa gbẽ zõkõ ùnõ dí yāke karamenero. Lákũ ò de nà dí kemene yāke ũro, zaakũ Luda dì gbẽke wé gwaro.

7 Ò è Luda baaru nna kpana buri pāndenõne nàmenε ma õĩ, lákũ à a kpana Yudanõne nà Pitane a õĩ nà.

8 Zaakũ lákũ Luda zĩ kè Pita gāi nà a kunna z̃ri ũ yā musu Yudanõ té, len à zĩ kè ma gāi buri pādenõ té le.

9 Yamisi kũ Pitao kũ Yuhana kũ òteni ñ gwa s̃si gbègba ùnõ gba kũ Luda dàmenεε d̃, akũ ò ò kpàwá, ókõnõ kũ Baanabao k̃gbẽke sèeda ũ. Ò s̃ ò gé buri pādenõ k̃naa, mókõnõ s̃, Yudanõ k̃naa.

10 Yā kũ ò yein dí, ñ takasidenõ yā g̃ d̃ógu. G̃ro birea s̃ ò m̀ε wà kũ a kenāao kò.

Yesu náanikena mé àdi ó sura ba

11 Kũ Pita sù Antiõku, ma gine tētēntē, kũ à zà yāa yāi.

12 Zaakū ari Yamisi z̄irinɔ ḡõ gé ká, àdi pó ble kū buri pāndenɔmε. Kū ò kà, akū à bòru kū κρεο à kēm̄ma, kū àten vīna ke Yuda kū ò zè kū t̄z̄ōna yāonɔne yāi.

13 Yuda kparanɔ nàa manafikikēnaa p̄i gūn. Bee Baanaba se ò a gà ò nām̄ma.

14 Kū ma è ò baaru nna yāpura kūna a zéaro, ma ò Pitane ní pínki wára: M̄k̄ōn Yuda ina ní kun lán buri pānde bà, adi ke lán Yuda bànlo. À kè dera ndi gā na buri pāndenɔa, de òḡõ Yudanɔ yā kūnaa?

15 Yudanɔn ó ũ inaa gūn, buri pānde durunnakerinɔn ó ũro.

16 Ama ó d̄õ kū gbēke di bo mana doka p̄i kēna yāiro, séde Yesu Kirisi náanikēna ado.*fRom 3:20, 22* Bee ók̄ōnɔ, o Kirisi Yesu náani kè, de ò le ò bo mana ó Kirisi náanikēnaa p̄i yāimε, adi ke doka p̄i kēna yāinlo, zaakū gbēke di bo mana dokakūna yāiro.*fZab 143:2*

17 Ḡorɔ kū óten wεε ò bo mana Kirisi gūn, tó o è durunnakerinɔn ó ũ se, abire p̄i Kirisi ten durunna gba zén yá? Oi!

18 Tó ma era maten doka kū ma gbòro keke, doka p̄i taariden ma ũ gwe.

19 Zaakū ma ḡõ gè ũ doka p̄i musu, akū ma κρε line, de màḡõ kun Luda pó ũ yāi. Ma ga lía kū Kirisio.

20 Makū mé má kun doro, Kirisi mé à kú ma gūn. Tera sà ma bisāsirikēnaa gūn má kú Luda Né kū à yemai à ḡi a wèndiii ma yāi náanikēnaa gūmmε.

21 Maten Luda gbēke da pāro. Tó gbē di bo mana doka p̄i yāimε, de Kirisi gà pāmε.

3

Musa doka kũ ludanaanikenaao

¹ Ákõnõ Galatia yõnkõnõ! Ò pò dàáwan yá? O Yesu Kirisi gana lía m̀áre a è sãnsãn.

² Má ye mà yã m̀en do gbekaáwa. A Luda Nini lè dokakũna yãin yá, ke yã kũ a màa pì nãanikena yãime?

³ À kè dera a gõ yõnkõnõ ù lán dí bàa? A naa kũ Luda Nini gbãnao, akũ áten láka kũ á zĩda gbãnao yá?

⁴ Á wari zõkõõ kè pãn yá? Oi, adi ke pãro.

⁵ Luda a Nini kpàáwa, à daboyãnõ kè á té á dokakũna yãin yá, ke yã kũ a màa pì nãanikena yãime?

⁶ À gwa Ibrahĩa. À Luda náani kè, akũ Luda tò yã bò kãao nna a náani kũ à kè yãi.*fNaa 15:6, Rom 4:3*

⁷ Àgõ dõ kũ gbẽ kũ òten Luda náani kenõ mé ò Ibrahĩ burinõ ù.*fRom 4:16*

⁸ Luda yã takada gĩnake à a baaruu kpà Ibrahĩne à pì, Luda ni arubarika da buri sĩnda pínkigu a gãi,*fNaa 12:3* zaakũ Luda yã takada pì gĩnake à dõ kũ Luda ni tó yã bo nna kũ buri pãndenõ a náani kũ oni ke yãi.

⁹ Len Luda dì arubarika da gbẽ kũ òteni a náani kenõgu le, lákũ à kè a nãanikeri Ibrahĩne nà.

¹⁰ Gbẽ kũ à zè kũ dokakũnaao gò láari pò ùme, zaakũ à kèna Luda yã ò pì, gbẽ kũ òdigõ yã kũ ò kú doka takada gũnnõ kũna pínki a zéaro bi láari pómè.

11 Ó d̄s s̄ans̄an k̄u Luda ò tó yā b̄ò k̄ūn̄wo nna dokakūna yāiro, zaakū ò p̄i, gb̄ē k̄u Luda tò yā b̄ò k̄āao nna a náani k̄u àten ke yāi mé aniḡo kun.

12 Doka dí k̄o le k̄u ludanaanik̄enaoro, zaakū ò p̄i, gb̄ē k̄u à yā p̄i k̄ēē, ade ni w̄èndi le a ḡun.

13 Kirisi ḡò láari p̄ó ũ ó ḡēne ũ, à ó bó doka láari ḡun, zaakū à k̄ēna Luda yān ò p̄i, gb̄ē k̄u ò lòko lía bi láari p̄óm̄e.

14 Abire k̄e le de arubarika k̄u Luda dà Ibrah̄īgu le à ḡo buri p̄ānden̄ne Kirisi Yesu ḡāim̄e, de ò Nini k̄u Luda a lé s̄è le a náanik̄ena yāi.

Musa doka k̄u Luda l̄és̄enaao

15 Ma gb̄ēn̄o, bis̄āsiri yākena takan maten oáre. Tó gb̄ē légb̄ēē òt̄e, ak̄ūs̄o à s̄èdaden̄o v̄i, oni f̄o ò gbororo, oni f̄o ò yāke karanlo.

16 Len Luda lé s̄è Ibrah̄īne le k̄u a burio.*fNaa 12:7* Luda yā takada dí p̄i k̄u a burin̄o l̄ákū parin à t̄ém̄ma bàro, à p̄i k̄u a buriom̄e. Gb̄ē m̄èn don à téa, àk̄ūm̄e Kirisi ũ.

17 Yā k̄u má ye mà on dí: Luda ḡīnake à lé s̄ène yā à p̄i a bàka niḡo kú k̄āao. W̄è w̄àa pla k̄u m̄èn baraakurio ḡberan doka s̄u.*fBon 12:40* Doka p̄i ni f̄o à l̄és̄enaao p̄i gbororo, ani f̄o à a ke p̄āro.

18 Tó òdi Luda arubarika le dokakūnaa ḡun, de adi bo a l̄és̄enaao ḡun doro. Ama Luda gb̄ēke k̄e Ibrah̄īne, k̄u à a lé s̄ène yāim̄e.*fRom 4:14*

19 B̄óyāi à doka òt̄e ò? À doka k̄àra ari Ibrah̄ī buri k̄u Luda lé s̄è a yā musu ḡo sum̄e, de gb̄ēn̄o le ò d̄s k̄u ò de taariden̄o ũ Luda k̄īnaa yāi. Luda a doka p̄i kp̄a malaikan̄o, ò nà yākekeriine a ōi, à òt̄e gb̄ēn̄o.

²⁰ Luda lésena s̄s, a yāme ado, a bàka kú kũ yākeriioro.

²¹ Tò, doka pì bò Luda lésena kpen yá? Lenlo! Tó doka kũ àdi wèndi kpámma kun yā, de o bo mana doka pì yāi.

²² À kēna Luda yān ò pì, durunna gbē s̄inda pínki kà kpén, de arubarika kũ Luda a lé s̄e pì le à ḡs Yesu Kirisi náanikerin̄o pò ũ a náani kũ òten ke pì yāi.

²³ Zaade Yesunaanikena dí suro, doka ó ká kpén, à ó kũna purusunan̄o ũ ari Yesunaanikena kũ àten su ḡe à b̄o gupuraa.

²⁴ Len doka pì de ó gwàri ũ le yā ari Kirisi ḡs su, de ò bo mana a náanikena yāi.

²⁵ Lákũ Yesunaanikena sù nà sà, o bo ó gwàri yān.

²⁶ Kunna Kirisi Yesu ḡn á de Luda n̄en̄o ũ á pínki a náani kũ àten ke yāi,

²⁷ zaakũ ák̄n̄o kũ a da'ite k̄e Kirisi pò ũn̄o, a Kirisi dàa s̄e.

²⁸ Yudan̄o kũ buri pānden̄o, z̄n̄o kũ z̄idanden̄o, ḡgb̄en̄o kũ n̄gb̄en̄on donadona k̄n̄ero, zaakũ á pínki pò dok̄n̄on á ũ kunna Kirisi Yesu ḡn.

²⁹ Tó á de Kirisi pò ũ, á de Ibrah̄i burin̄o ũme, ak̄s̄ á de arubarika kũ Luda a lé s̄ene bl̄erin̄o ũ. *fRom 4:13*

4

¹ Maten oáre, ḡr̄o kũ túbibleri de né ũ, bee tó a de aruzeken̄on de a pò ũ pínki, à de z̄l̄aro.

² Àdi mì nate gwàrin̄one kũ gb̄e z̄k̄n̄o ari ḡr̄o kũ a de d̄itea.

³ Len ókõno se, goro kũ ódi kàsara kũro, odì zò ble andunia pò kũ ódi mì nateńnenone. *fGal 4:9, Kol 2:8, 20*

⁴ Kũ goro kũ Luda òte kà, à a Né zĩ, ò a ì bisāsiri ina ũ Musa doka gũn,

⁵ de à ókõno kũ óten zò ble Musa dokaneno bo, ò gõ a neno ũ.

⁶ Luda a Né Nini dà ó swẽe gũn, kũ ó de a neno ũ yāi. Nini pìi dì wiki lé à pi: Baa, ma De!

⁷ Abire yāi zòome n ũ doru, neme n ũ. Lākũ Luda neme n ũ nà, à n ke a túbibleri ũme. *fRom 8:15-17*

Pɔlu bídikena Galatianɔ yāa

⁸ Goro kũ á Luda dõro, adì do pò kũ ò de Luda ũroni. *f1Ko 8:4-6*

⁹ Lākũ á Luda dõ nà tera sà, atensa kũ Luda á dõ, bóyāi a era áten are do pò gina futa gbānasari pìnoa doo? Bóyāin a era á ye à dońyĩ doo?

¹⁰ Adì goro kenò kũ mo kenò kũ dikpe kenò kũ wẽ kenò tẽ bo. *fRom 14:5, Kol 2:16*

¹¹ Vĩna ma kũ á yā musu. Ase zĩ pān ma kè á té yá?

¹² Ma gbẽno, ma wé kèáwa, à gõ lán ma bà, zaakũ ma gõ lán á bà. Ádi taari kemene yāro.

¹³ Á dõ kũ gyākēnaa gũnn ma baaru nna kpàare káaku.

¹⁴ Bee kũ ma gyākēna kèare yõogwana ũ, ádi ma gya boro ádi lé'i kúmaro, a ma si lán Luda malaika kesõ Kirisi Yesu bàme.

¹⁵ Arubarika kũ áten kemene yā kè deraa? Mani fõ mà o á yā musu mà pi, tó ani sí ke yā, de a á wé bòbo a kpàma.

16 Kū ma yāpura òáre yāin ma gō á zānguri ũ sà yá?

17 Gbē kũnɔ m̀eε wá kũ á yāo, ama a mana yāinlo. Ò ye à kēwáme, de à nańma.

18 M̀ewána kũ gbē yāo a mana yāi mé à nna. Ma m̀eε wá kũ á yāo gɔɔ sīnda pínkime, adi ke gɔɔ kũ má kú kááo adonlo.

19 Ma né yenyīdenɔ, mateni á ina wāwā ke dɔ ari Kirisi gō sà da á gũn.

20 Má ye màgō kú kááo tera, de mà a yā'ona lite, zaakū ma bídi kè á yāame.

Hazara kũ Sarao

21 À omene, ákõnɔ kũ á ye doka iko vīáwanɔ, ádi yā kũ à kēna Musa doka takada gũn maroo?

22 Ò pì Ibrahī négōgbēnɔ ì gbēnɔn pla. À a do ì kũ zòomε, *fNaa 16:15* akū à a do ì kũ zīdadeo. *fNaa 21:1-2*

23 Zòo pì né ì bisāsirikεnaa gūmmε, akū zīdade a pó ì Luda lésena yāi. *fRom 9:7-8*

24 Nɔgbē pìnɔ yā dewεε yáasi taka ũ, Luda bàka kunna kũńwo yā leu pla ũ. A do bò Sinai kpi kīnaame, àdi zòkεna ínne. Àkū mé à Hazara ũ.

25 À de Sinai kpi kũ à kú Larubunɔ b̀usun yáasi taka ũ. Yurusalemu tera de a ũ dɔ, zaakū àten zò ble kũ a gbēnɔ ní pínkime.

26 Yurusalemu kũ à kú musumε zīdade ũ. Àkūmε ó da ũ.

27 Zaakū à kēna Luda yān ò pì:

Ñ pɔnna ke, m̀okõn para kũ nídi né iro!

Ñ ayuwii ke, m̀okõn kũ nídi ǹwāwā kero!

Zaakū m̀okõn kũ n zā pā kpànyĩ,

n né dasi de nɔgbē kũ a zā are d̀a póla.

28 Ákõño sõ ma gbẽnɔ, Luda lésena nénɔn á ũ lán Isaaku bà.

29 Né kũ ò a ì bisāsirikɛnaa gũn wari dò né kũ ò a ì kũ Luda Nini gbãnaooa. Len à de le kũ a terao.

30 À kēna Luda yān deramεε? Ò pì: Ñ pé zòò pìia kũ a néo, zaakũ zò né ni túbi ble kũ zĩdade néoro.*fNaa 21:10*

31 Abire yāi ma gbẽnɔ, zò nénɔn ó ũro, zĩdade nénɔn ó ũ.

5

Gõna zĩdadenɔ ũ Kirisi gũn

1 Gõna zĩdadenɔ ũ yāin Kirisi ó bói. À zεo gíngin, àsun tó ò era ò bà kááre á yĩn zònɔ ũ doro.

2 Makũ Pɔlu maten oáre, tó a tò ò t̃ò z̃áre, Kirisi ni karana keárero.

3 Ma era ma ò, ma karaáre, gbẽ kũ à tò ò t̃ò z̃áre, séto à mì nate Musa dokanε pínki.

4 Ákõño kũ áten wεte à bo mana doka gũnnɔ, a á zĩda k̃è Kirisia, a k̃è Luda gb̃k̃ea.

5 Yesu náanikɛnaa gũn ó bona mana tãmaa vĩ, ó wé d̃oi kũ a Nini gbãnao.

6 Kirisi Yesu gũn t̃òz̃na ke t̃òz̃nasari yáke vĩro, séde Yesu náanikɛna kũ àdi yenyĩ iĩne.

7 Áten gé are yā manamana. Dí mé à tena yāpurai zé z̃áreε?

8 Yā kũ a a zé lè dí bo Luda kũ à á sísi à á sé kĩnaaro.

9 Lùbɛnɛ fitinna dì flawadɛna futε pínki.*f1Kɔ 5:6*

10 Má á náani vĩ Dikiri gũn, kũ áni nèse pānde daro. Gbẽ kũ àteni á likara s̃o, ani a zĩ gbè le, bee díme.

11 Makū sō ma gbēno, tó tōzōna waazin maten ke ari gbāra, bóyái òteni ma wé tái dō? Tó leme, de Kirisi gana lía yā ni ũ gbēkearo.

12 Gbē kū òteni á likara kū tōzōna yāono gé ò n zīda fèrè ke se.

13 Ákōno sō ma gbēno, Luda á sísi à gō zīdadeno ũme, ama àsun tó á gōna zīdadeno ũ pì gōáre poyeinakena zé ũro. Àgō mī natekōne kū yenyīo,

14 zaakū yā mèn do díkīname Musa doka sīnda pínki mī ũ: Ngō ye n gbēdakei lán n zīda wèndii bà.

15 Tó áten saka tōtōkōa áten kō sóso, à laakari ke kōkakatēnaai.

Luda Nini donnena are

16 Maten oáre, à tó Luda Nini doáre are, á bisāsirike poyeina ni láka.

17 Á bisāsirike poyeinaa di kō sé kū Luda Nini póoro, akūsō Luda Nini poyeinaa di kō sé kū á bisāsirike póoro. Òdi gíkōime, abire yāi adì fō à yā kū á yei kero.*fRom 7:15-23*

18 Tó Luda Nini ten doáre are, doka iko vīáwaro.

19 Ó ó bisāsirike dāno dō sānsān: Pāpākenaa, gbāsīkenaa, wé'isariyā,

20 tānagbagbanaa, gāwākenaa, zāngu, fitii, nēsēgōbaa, nēsēwānaa, denlawetēnaa, kēkēkōanaa, kōkpaatēnaa,

21 kēna kū kōo īni, wēdenaa, fāai pāpā bona kū yā bire takano. Ma a lé dàáwa lākū ma dàáwa nà yā, yā bire taka kèrinō ni kpata kū à bō Luda kīnaa lero.

22 Luda Nini sō, àdi yenyī iñne kū pōnnao kū aafiao kū menao kū gbēkeo kū manakēnao kū nāanio

23 kũ busɛkɛnaao kũ zĩdakũnadõnaao. Doka ke di gí yã bireno takairo.

24 Gbẽ kũ ò de Kirisi Yesu pó ũno ñ bisãsirike dàa pà lía kũ a pónidenano kũ a poyeinano lɛlɛ.

25 Lákũ ó kú Luda Nini gãì nà, ò a dõro sé.

26 Òsungõ yõgõ vĩro, òsun kõ dõkõaro, òsun gõbaa kpá kũ kõoro.

6

Ɔdana kãa

1 Ma gbẽno, tó á gbẽke sù à sãte à durunna kè, ákõno kũ Luda Nini ten doáre arenõ à gõgõ kãao busɛbusɛ, à laakari ke de òsun á yõ ò gwa sero.

2 Àgõ kõ aso sé. Áten Kirisi doka papan gwe.

3 Tó gbẽke teni a zĩda gwa póke ũ, akũsõ à kun póke ũro, àteni a zĩda sãtemɛ.

4 Baadi a yãkena tàasi ká gbasa à ña dã. Àsun a yã lekãa kũ gbẽ pãnde póoro,

5 zaakũ baadi ni a zĩda aso séme.

6 Gbẽ kũ òten Luda yã danɛ, à a aruzekɛ li a danneriine.

7 Àsun á zĩda kekero, Luda dí sí foboro. Pó kũ gbẽ tõon àdi kẽ.

8 Tó gbẽ tõ a bisãsirike dàaa, ani kakatena ine. Tó gbẽ tõ Luda Nini donena are gũn sõ, ani wèndi kũ àdi lákaro ine.

9 Òsun kpasa kũ yãmanakɛnaaoro, zaakũ tó ódi kamma booro, óni àre le a gõroa.

10 Abire yãì tó o zé lè, ògõ a mana ke gbẽ sĩnda pínkine, atẽnsa ó Yesu nãanikeri dakenõ.

Lézammanaa

11 À wānzān gbàgidigbagidi kũ ma kè kũ ma zĩda ɔo gwa sà.

12 Gbē kũ òten yā ke gbēno wé yāino mé òten gā naáwa kũ t̄z̄ōna yāo, de òsun wé tām̄ma zena kũ Kirisi gana lía yāoro yāi.

13 Bee t̄z̄ōrii p̄ino se, ò doka kũnaro. Ò ye à t̄ō z̄ō, de ò le ò ĩa dā á sèedaa p̄i yā musu yāime.

14 Mani ĩa dā p̄oke yā musuro, séde ó Dikiri Yesu Kirisi gana lía yā baasiro, zaakũ a yāi andunia ḡm̄ene gè ũ akūs̄o ma ḡō gè ũ anduniane.

15 T̄z̄ōna ke t̄z̄ōnasari yāke v̄iro, séde ḡōna gbē dufu ũ.

16 Luda gbēke ke gbē kũ ò yā p̄i kũnan̄one, à n̄ gba aafiaa. Mók̄ōn̄ome Isaraila yāpurano ũ.

17 Zaa gbāragbēke sún ma wé t̄a doro. Wari kũ ò d̄ōma Yesu yāi b̄ōgbe kpé kú ma m̄ēea.

18 Ma gbēno, ó Dikiri Yesu Kirisi gbēke keáre! Aami.

Luda yá takada kú Bisá yáo
Portions of the Holy Bible in the Busa language of
Nigeria

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

PDF generated using Haiola and XeLaTeX on 18 Apr 2025 from source files dated 31 Aug 2023

8631d380-7d17-5581-abf9-174814e8ccc3